

vnuergessens, Als öch wir selb vnd vñsern vordernⁱ den Egeseiten hof jm Sennwald vnd die obgedachten fröwen vntz vff den tag, als dirr brief geben vnd diser köf beschehen ist, für Reht, Ledig, Lötig aygenn^b jñne gehept, besessen vnd genossen habin, Da öch vberal niemant nüt-zit abe-igät vnd von aller mengklichem glich vnuerkumbert, quit, ledig vnd lös ist, Den vnd daz alles habin wir vorgedächter Gräf Albreht von Werdenberg, herre ze Pludentz, alsus frylich vnd willentlich für vnsselb, für all vñser erben vnd nächkomen dem obgedächten Eberhar-ten von Sax dem Jüngen, allen sinen erben vnd nahkomen^k nah jm. ains vn-geuarlichen, Redlichen, jemer wernden köfs ze Rehtem, Ewigem, lüterm aygenn^b ze köfent geben Vmb sehs hundert pfunt haller vnd vmb fünffzig pfunt haller, alles güter gáber vnd gnámer,ⁱ dero wir vnd^d gantzlich nach allem vñserm willenn^m Erberlich vnd nützlich von jm gewert vnd bezalt sind, das es vñsselb, alle vñser erben vnd näch-komenⁿ von jm, von allen sinen erben vnd nächkomen hiervmb jemer billich wol benúgen sol, Als wir wissentlich vergehen mit dem brief.^c Wir habin öch den obgenanten^h Hof jm Sennwald / mit lüten, mit güten, mit allen nützzen vnd zügehörden Vnd öch die obgedächten frö-wen kathrinen helweren mit jr lib, mit jr güt vnd mit allen zü-gehörungen für vñs, / für all vñser erben vnd nahkomen zü sinen, zü siner erben vnd nahkomen, ob er enwárj, handen vnd gewalt bräht vnd gekert Mit vffgeben vnd mit gantzer Entzihñüsse aller vñser aygenschaft, Ehafti vnd gwaltsamj, besetzzens vnd Entsetzens, aller Reht, rehtungen, vorder^o vnd anspräch vber kurtz vnd vber lang, aller gewerde, kuntschaft,^p / Lüten, Ródel vnd briefen niuver vnd alter dingen, was wir selbe, alle vñser erben vnd nahkomen Oder jemant andre von vñsern wegen wider jm selbe, wider allen sinen kin-den, Erben vnd nahkomen darvmb jemer^q vsgeziehen, Erdenken ald er-vinden kúndin oder móhtin vor allen gerithan vnd an allen stetten mit worten, mit werchen vnd mitt / allen andern sachan süß oder so; Vnd ist daz beschehen mit aller der vorderung, gehügde vnd gebården als dirre Ewig köf wol Craft vnd maht haben hân, vest vnd stât be-